

Nocent vero oculis, & concremento huic minus proportionata sunt EMETICA & STERNVTATORIA fortiora, quæ vtraque oculis eliciunt potius lachrymas, & alliciunt humores, vnde non facile adhibenda sunt, ob motum & concussionem vehementiorem.

Disiiciunt ERRHINA & MASTICATORIA; illa quidem mitiora, ne sternutationem cieant. Nouimus sic foeminam cœcam redditam, cui succus betæ maiori quantitate pro errhino fuerat commendatus a medico. Præstant mitiora, vt *aquamaiorana*, pulueres nasales, ex *schænantho* aliisque, minus commouentes, vt puluis tabaci hodierno more præparati.

Optima vero sunt MASTICATORIA ex *tabaco*, *globulis masticatoriis Lauremberg. caryophyllis*, *anis. fœniculo*, vtroque vero nomine perinclutis *cubebis*, & sicca & humida forma, seu sola illa apophlegmatifatione promouenda seu vt suauius simul exhalatio vel vapor infletur in oculos, vnde eiusmodi inhalationes, ex *aniso* v.g. *fœniculo*, *mastiche* commode locum habent.

Pertinet huc ipse fumus *tabaci*, qui in frigidis, & suffusione quieta & humidioribus magis prodest, in calidioribus vero & dolorosa non æque; vnde probe hæc sunt distinguenda, ne dum tollere humorem lymphaticum volumus, incrassemus magis imminuendo, & spiritus ligando. Omnia decenter & conuenienter moderanda.

Disiiciunt FONTICVLI & VESICATORIA, quæ causæ coniunctæ satisfaciunt, & affectibus fouentibus vel disponentibus. Sane in ichorescentia lymphæ, & *πνευματισμῶ* ac *στάσι* seu stagnatione h. l. in oculis probatissimi sunt fonticuli, neque præsentius in dolorosa suffusione vel visus debilitate remedium.

Inusti